

Powšitkowne WOZJEWJENJA

njedźelu, 16. junija 2019

Ministrantska kopańca

Dekanatne dušepastyrstwo přeprašuje ministrantow ze serbskich wosadow na koparski turněr. Tutón wotměje so sobotu, 22. junija, w Pěskecach. Započatk budže w 9.00 hodź. z Božej mšu we wjesnej kapałce. Mustwa měli so hač do póndžele, 17. junija, pod worklecy-kise@gmx.de abo pod telefonowym čisłom (03 57 96) 88 707 přizjewić. Hraje so małym polu we wobsadce 7:1. Małe mustwo tworja ministranća 3. do 6. lětnika, wulke mustwo ći ze 6. do 8. lětnika.

Klášterski a swójbny swjedzeń

Z Božej mšu w 10.30 hodź. zahaji so Klášterski a swójbny swjedzeń přichodnu njedźelu, 23. junija, w cyrkwi kláštra Marijineje hwězdy w Pančicach-Kukowje. Po tym wočakuje wopytowarjow pisany program z mnohimi překwapjenkami. Mjez druhim budže w 13.15 hodź. koncert w klášterskej cyrkwi, kotryž wuhotuja sopranistka Katrin Pehla-Döring z Weinböhly, Marija Šoćina a Milenka Šoćic z Kukowa na pišćalkomaj kaž tež cyrkwinski hudźbnik a Pančičanski organist Feliks Brojer z Budyšina na cembalu. Klášterski swjedzeń zakónči so w 17.30 hodź. z ekumeniskim nyšporom.

Lětni koncert Meje lětsa na druhim městnje

Chór Meja přeprašuje wšitkich zajimcow na swój lětni koncert, kotryž wotměje so njedźelu, 30. junija, w chłódku štomow na farskej zahrodze při cyrkwi w Radworju, nic kaž hewak před Starej cyrkwičku. Wot 15.30 hodź. poskići so swačina. Koncert zahaji so w 16 hodź. Nimo Mejanow wuhotuje program chór Svatobor z českich Sušic, městačka južnje Plzenja. Ze zhromadnym spěwanjom a bjesadowanjom wječor wuklinči.

Putniska jězba do Ukrainy

Putniska jězba do ukrajskeho Lwiva (pólsce Lwów, němsce Lemberg) wotměje so wot štwórtka do wutory, 8. do 13. awgusta, ze Šmitec jězbami w Radworju. Hłowne město zapadneje Ukrainy je ze swojimi stawiznami a kulturu wulce zajimawe. Wšako je w běhu swojich stawiznow přežiwiło pólske, rakuske, sowjetske a němske knjejstwo. Wobdžělmy so na swjatočnej Božej mši po grjeksko-katolskim wobředze, wopytamy mniši klášter w Uniwje, wobhladamy sej katolsku uniwersitu, póndžemy do opery a zetkamy so z wěriwymi woneho města. Změjemy přewod domoródnego kulturnika a duchownu podpěru Bačońskeho fararja Gerata Wornarja. T. Kubašec